




ԵԿԵՂԵՑԱԿԱՆ ԲԵՄ. ԼՈՒՐԵՐ

«Հունվարի 4-ին, կիրակի».—Այսօր Մայր տաճարում, Ավագ խորանի վրա, ս. պատարագ մատուցեց Տ. Եզրաս արքեպիսկոպոսը և «Հայր մեր»-ից առաջ քարոզ խոսեց՝ «Խաղաղություն ամենեցուն և ամենուր» (Ժամագիրք) բնաբանով:

Ս. պատարագին ներկա էր Վեհափառ Հայրապետը:

Ս. պատարագին ներկա էին նաև հյուրաբար Մայր Աթոռում գտնվող Լեւոնգրադի հոգևոր ակադեմիայի դասախոս հայր Բորիս Բեզունովն ու մի խումբ ուսանողներ:

* *

Հունվարի 7-ին, չորեքշաբթի.—Յիշատակ մենեղոց:

Այսօր Մայր տաճարում, Ավագ խորանի վրա, ս. պատարագ մատուցեց Տ. Խաչատուր քհն. Ֆրանկյանը:

«Զկնի սրբոյ պատարագի կատարի Հոգեհանգիստ վասն համօրէն անջեցելոց»:

* *

Հունվարի 11-ին, կիրակի.—Այսօր Մայր տաճարում, Ավագ խորանի վրա, ս. պա-

տարագ մատուցեց Տ. Զավեն արքեպիսկոպոսը և «Հայր մեր»-ից առաջ քարոզ խոսեց՝ «Ահաասիկ Գառն Աստուծոյ որ բառնայ զմեղս աշխարհի» (Հովհ. Ս. 29) բնաբանով:

* *

Հունվարի 13-ին, երկուշաբթի.—Տօն անուանակոչութեան Տեառն մերոյ Յիսուսի Քրիստոսի:

Այսօր Մայր տաճարում, Ավագ խորանի վրա, ս. պատարագ մատուցեց Տ. Եղիշե ավագ քհն. Բաղրամյանը:

* *

Հունվարի 14-ին, չորեքշաբթի.—Այսօր հոգևոր ճեմարանի հանդիսությունների դահլիճում տեղի ունեցավ գրական երեկո, որի ընթացքում պարսկահայ ուսուցչուհի Լիդա Պերպերյանը ներկայացրեց Վասպուրականի միջնադարման մի վիպերգ և բնութագրեց շարականների զարգացման ընթացքն ու գրական-գեղարվեստական արժանիքները, որպէս ապացույց ունկնդիրներին ներկայացնելով վիպերգի և շարականների երաժշտական կատարումներ պարս-

կահալ երաժիշտների ձայնագրություններով:

Երեկոյին ներկա էին Մայր Աթոռի միաբանությունը, դասախոսական կազմը, ուսանողությունը և հյուրեր:

Երեկոյին ներկա էր Վեհափառ Հայրապետը:

*
* *

Հունվարի 15-ին, հինգշաբթի.—Տօն ծընդդեմ **Ս. Յովհաննու Կարապետին:**

Այսօր Ս. Էջմիածնի Ս. Հովհաննես Մկրտիչ մատուռում. ա. պատարագ մատուցեց Ս. Արտակ ավագ քին. Սիմոնյանը:

*
* *

Հունվարի 18-ին, կիրակի.—Այսօր Մայր տաճարում, Ավագ խորանի վրա, ա. պատարագ մատուցեց Ս. Կոմիտաս աբեղա Հովհաննյանը և «Հայր մեր»-ից առաջ քարոզ խոսեց՝ «Ապաշխարեցէք, զի մերձեալ է արքայութիւնն երկնից» (Մատթ. 9. 17) քնարանով:

Հախարտ ա. պատարագի կատարվեց հոգեհանգիստ նորոգ հանգուցյալներ՝ ֆրանսահայ մեծ ազգասեր, Մայր Աթոռի բարերար տիար Արշամ Պապյանի և լիբանանահայ գրական, ազգային-հասարակական գործիչ տիար Գառնիկ Արդարյանի հիշատակին:

Ս. պատարագին ներկա էր Վեհափառ Հայրապետը:

Ս. պատարագին ներկա էր նաև ուխտա-

վորաբար Մայր Աթոռում գտնվող Ռումի-հիայի հայոց թեմի առաջնորդ գերազնորհ Տ. Տիրայր արքեպս. Մարտիրոսյանը:

*
* *

Հունվարի 21-ին, չորեքշաբթի.—Այսօր Վեհաքանոնում, Վեհափառ Հայրապետի մախազահությամբ, տեղի ունեցավ հերթական միաբանական հավաքույթ:

*
* *

Հունվարի 25-ին, կիրակի.—Այսօր Մայր տաճարում, Ավագ խորանի վրա, ա. պատարագ մատուցեց Ս. Նարեկ քին. Մատարյանը և «Հայր մեր»-ից առաջ հավոր պատշաճի քարոզ խոսեց՝ ներկայացնելով Ս. Վահան Գողթնեցու կյանքն ու գործը (տես էջ 41):

*
* *

Հունվարի 28-ին, չորեքշաբթի.—Այսօր հոգևոր ճեմարանի հանդիսությունների դահլիճում տեղի ունեցավ գրական երեկո, որի ընթացքում հանրաճանաչ ասմունքող Վերա Հակոբյանը ունկնդիրներին ներկայացրեց հայ բանաստեղծների ստեղծագործություններից:

Երեկոյին ներկա էին Մայր Աթոռի միաբանությունը, դասախոսական կազմը, ուսանողությունը և հյուրեր:

Երեկոյին ներկա էր Վեհափառ Հայրապետը:

ՎԾԻՌ ՀԱՅՐԱՊԵՏԱԿԱՆ

Մայր Աթոռիս նշության կարևոր վնաս հասցնելու կանխամտածված արարքի համար, Վեհափառ Հայրապետի 5 հունվար 1987 թվականի վճռով, Մաշտոց և Պապ աբեղաները հեռացված են միաբանության շարքերից և զրկված իրենց եկեղեցական կարգից, դատվելով աշխարհական դատում Մեսրոպ Խաչիկյան և Ստեփան Կարապետյան անուններով:

Ս. Էջմիածին,
14 հունվար 1987 թ.

ԴԻՎԱՆ ՄԱՅՐ ԱԹՐՈՒ

